

## **Re hlohleletša barutwana ba Marema-Tlou**

Ngwaga wa 2016, o bone palo ya godingwana ya barutwana bao ba tšweletšego mphantong wa Marema-tlou. Se se dirilwe ke boikgafo bja barutishi, hlogo tša dikolo le bona barutwana bao babego ba shoma ka maatla boshego le mosegare. Boikgafo bja bo Meyara wa Blouberg le bjona bo bile le seabe dileteng tša tikologo ya gabo rena ya Blouberg, morago ga masolo a mathomong a ngwaga, gare ga ngwaga le mafelelong a ngwaga. Mohlomphegi Meyara, Cllr Maseka Pheedi o be a tšwile lesolo pele ga meleko ya mafelelo a ngwaga go hlohleletša barutwana go ntšha-ka-ga-tšwene nakong ya melekwanana ya mafelelo a ngwaga.

Lenyaga legona, morago ga go lokollwa ga dipoelo, re le Masepala re etilwe pele ke Meyara, Cllr Pheedi le MosPikara Cllr Maria Thamaga, go akaretšwa le maloko a komiti ya Meraya, re etetše dikolo tšeo di shumilego ga botse le dikolo tšeo di paletšwego ke go tšweletša dipoelo tše kaone. Dikolo tšeo di etetšwego magareng gatše dingwe, di akaretša: Radira Sec School (Ga Monyebodi), Kgopudi Sec School (Thalane Village), Manoe Sec School (Ga Kobe), Matswake Sec School (Ga Manaka village), Maphutha Sec School (Indermark Village), Makama Sec School (Bull Bull, Segwale Village) le Radikgobethe Secondary School. Sekolo sa Radikgobethe e bile ketapele ka gare ga Sediko-thuto sa Maleboho kage se hweditše diperesente tše 73.4. Go bana ba 109 go tšweletše ba 80 mola ba 29 ba paletšwe. Magareng ga dikolo tše dingwe tšeo di tšweletšego ga botse ke Sekolo sa Manoe kua Ga-Kobe.

Nakong ya ketelo dikolong tše go hlohleletša barutwana le barutishi, Meyara, Cllr Pheedi o gateletše bohlokwa bja thuto bjalo ka senotlelo seo se tlogo thusha barutwana ba gotšwa magaeng a go ithwasha ka letolo go ba le bokamoso bjo bo kaone. Cllr Pheedi o hlohleletše barutwana gore baseke ba inyatša ge ba lebeletše malapa ao batšwago go ona, kage baetapele ba bantšhi ba ka mono nageng baetšwa ka malapeng ao a bego a topa tša fase. O file mohlala ka yena gore le yena o be a swana le bona, e le yo mosehlana nakong ya ge a sale morutwana. MoSpikara Cllr Maria Thamaga o gateletše gore dinakong tša sehono, go bonolo gore morutwana a tšwelele dithutong tša gagwe kage go se sana ditlhotlo tše ntšhi goswana le peleng nakong ya mmusho wa hlaolele.

Go dikolo tšeo di sego tša tšwelela ka tsela yeo dibego ba beakantše, ditlhotlo e bile tše mmalwa tša go akaretša maitswaro a barutwana, diphapano le go se kwane ka dikgopolo magareng ga barutishi le hlogo tša dikolo. Tše dingwe di akaretša maemo a ka gae a barutwana ebago seo se welago karolong ya maemo a leago. Dikolo di bontšha go hlokega ga didirišwa tše bohlokwa tšeo ka tšona, barutwana baka kgonago go bulega megopolo. Lege gole bjalo, go nale dikolo tšeo di tšweleditšego dipoelo tša go kgahlisha, go mme seo se hlotšwe ke boikgafo bja barutishi le go shoma ka maatla ga barutwana. Dikolo tše tša go shoma ga botse di bolela gore ge barutishi ba sena boikgafo, ebile ba sena kwelo bohloko go ka sebe le kgatelo-pele ya dipoelo. Di gateletše gore bana ba sekolo ba swanela go iphanako e ntšhi go lebelela dipuku tša bona, le go shala kgafetša kgafetša sekolong go thushana le barutwana babangwe ka dihlophana.

Masepala wa Blouberg o ikanne go thusha dikolo tšeo di bago le ditlhotlo ngwageng wo wa 2017 go netefatša gore tlhokego ya thusho ga ebe sehlare-sa-ntšhirela ngwageng o tlogo. Masepala o tla tšwela pele go ikopanya le dihlogo tša dikolo mo gare ga ngwaga go lekola kgatelo-pele le go fela o hlohleletša bana ba sekolo go se le bale boikano bja bona bja mo mathomong a ngwaga. Meyara, Cllr Maseka Pheedi le komiti ya gagwe ya baetapele e lekaletša barutwana mahlatse le mahlogonolo

ngwageng wo. Ba lemosha gape bao ba tšweletšego gore Masepala o nale thuso ya masheleng yeo o thushago baithuti ba di FET go ingwadusha ngwaga ka ngwaga.